

雲龍州志

雲龍州志

雲龍州志序

雲龍之有志也創始於

明司牧周憲章脫稟於

榆郡孝廉趙惟精迨及

本朝顧牧芳宗畢牧仕魁  
王牧潛相繼蒞此博蒐  
廣采幾經閱歷而後成  
編今陳牧希芳其後殿

也志之既成凡星野疆  
域以下諸類釐然皆備  
觀之者瞭如指掌惜是  
州置於萬曆之季年前

此羈縻未改其舊至爰  
段林二賊以次勦平而  
後十二里八井之屬悉  
為版圖所有故自有元

以上若混沌然存而不  
論可已按籍攷之其民  
淳其俗儉飲食服御之  
具歲時伏臘之規大概

與中邦等而其間溫泉  
熾沸不亞華清鳳嶺空  
青宛然鴈宕其他名勝  
之地爭妍競秀往往有



之然藝文所載未見有  
工於體物者豈非以僻  
在一隅名賢踪跡所不  
至是以湮沒而無聞耶

嗟乎龍湫玉甌賴康樂  
以傳鉛鋟黃溪因子厚  
以著欲歌詠而表章之  
不能無待於其人也今

語其人物孝子貞婦後

先相望語其物產斥鹵

田疇貢賦可充矣獨奈

何選舉一編科名無幾

獠獠一種野性未馴非

是邦之缺陷也哉方今

聖天子垂衣於上薄海外內

罔不相率而嚮風為之

勸學以期於有成為之  
立法以變其汙俗使衣  
冠之族奮起鄉閭仁讓  
之風流傳京國以彰太

平之盛此良有司之事  
非大吏所暇及也故因  
陳牧之請序而並書以  
示之

省

雍正戊申長至

大司馬西林鄂爾泰毅

菴父題





# 雲龍州志序

書以志名徵信也志而別之  
以州著四境之規模也延訪  
周故大綱舉而小紀亦彰稱  
說當故善者勸而惡者亦懲